

Ouddpeâmm päärnaihoi'ddjee'jj, nuõrttsää'm kiõllpie'ss Če'vetjäu'rr

Aanar kâ'dd

Aanar kâ'dd, Čuõvtemjuâggas, Ouddpeâmm

Ooccâp 13.2.2026 čiâss 15.00 mõõnee'st nuõrttsää'mkiõl täiddsa va'stteei päärnaihoi'ddjee'j põõssi tuâjjkõskkvuõ'tte, koon tän poddšaz tuâjjpäi'kk lij Če'vetjäu'r nuõrttsää'm kiõllpie'ss. Kiõllpie'zz va'stteei päärnaihoi'ddjee'jj âann huõl kiõllpie'zz juõ'kkpeivvsaž pedagogiikk plaanummšest, čõõđ viikk mõõžžâst, ärvvtdõllmõõžžâst da õõudâsviikk mõõžžâst. U'vddep äärv ouddpeâmmplan meâldlaž õoudâsviikki tuâjjoodd, miõttlõs jorddmõõžž da sme'llkõõ'tti da čõnnõõtti ämmat-tuâjjla, keä'st liâ pue'r õhttsažtuâjjtääid. Tuâjjkiõččlâsttmõš di harjjnummuš päärnai kiõl jälltummuz mõõntõõllmõõžžid kiõččât pue'rren. Ta'rjjeep tu'nne keäštõõttâmoddsa pää'lk lââ'ssen määngpeällsa tuâj, ko'st lij vuei'tlvažvuõtt silttummuž da kiõlltääid õoudâsviikk mõõ'sše da Aanar kââ'dd tuâjjlažkâ'ddouddõõžžid.

Äâ'ntemõõlgtõssân ouddpeâmm päärnaihoi'ddjee'j tuõjju âlgg lee'd ouddpeâmm lää'jj (540/2018) 28 § meâldlaž äâ'ntemvuõtt; tuõjju suâppi šõddeem- da vuä'pstemsue'rj vuâđđtu'tkkõs, sosiaal- da tiõrvâsvuõtsue'rj vuâđđtu'tkkõs le'be jee'res va'stteei suâppi tu'tkkõs. Põõssi tuâjast õõlgtet nuõrttsää'mkiõl tääid, kââ'tt âlgg čuä'jted ju'na mätt-tuõđštõõžžin le'be jee'res âasklaž čioõlgtõõžžin. Tuâjjäi'gğ lij kõskkmeä'rin 38 č 15 min/ntl. Tuâj meâldlaž pä'lk lij 2676,01 eu'rred / mp Lââ'ssen tuâjast määu'set Aanarlââ'ss 3 % kiõččlâ'sttemplââ'zz di vuei'tlva jee'res lââ'zz (jm. sää'mkiõll-lââ'ss) da Kvtes meâldla ouddõõžž. Tuâjj âlgg 3.8.2026 le'be suâppmõõžž mie'ldd. Jõs toimmu jeät vuäžž rekrytõ'stem nu't äâ'ntem-määinaid tiuddee gu nuõrttsää'mkiõl täiddsa tuâjjla, vuei'tet tuâjjaid va'lljeed päärnaihoi'ddjee'j tuâjjaid suâppi ooumaž mie'rraiggsânji äigga 3.8.2026 - 2.8.2027.

Ooccmõõžž toimmu tääimtet www.kuntarekry.fi -seiddõõžž pääi'k. Jõs liädglaž ooccmõõžž ij leäkku vuei'tlvaž tue'jjeed, tääimtet ooccmõš mie'rraigga mõõnee'st adrõõžžin: Inarin kunta, varhaiskasvatus, Piiskuntie 2, 99800 Ivalo.

Ooccâmääi'j puu'deen äâ'net tuâjjmainstättmõõžžid neä'ttlest 8-9, koozz vuõltteep kääčcaid jeä'rben. Äâ'ntemvuõđ čuä'jtee'j tuõđštõõžž di CV le'be tuâjjpäi'kklogstõk da jee'res tuõđštõõžž tääimtet rauukeen.

Toimmu va'lljum tuâjjlast fe'rttai tääimted primmum dâhttartuõđštõs tiõrvâsvuõđstes (T- lomakk) di vuei'nnemnalla reäkkõsrekisterlää'jj 6 § 2 momee'ntest jurddum kriminaalrekistervälddõk. Tuâjast jää'kket 6 määnpää'j kiččlõddâmääi'j. Aanar kâ'dd lij tääbbkââ'st'te'mes tuâjjõutstõs.

Õhttvuõdteâd

Ouddpeâmmjuâkkaz jää'dtee'jj Krista Leivo, te'l. 040 7441210

Ouddpeâmmjää'dtee'jj Pirkko Saarela, te'l. 040 7441259

ne'tpää'stadrõs: ouddnõmm.sokknõmm@inari.fi.

www.inari.fi